



Soađi ja ráfi juovllat

Juovllat leat erenoamáš láhkái ráfi já ráhkisvuođa ávvudeapmi. Danin orru ilgadin, ahte dáid juovllaid vuolde Jesusa riegádanguovllus lea soahti jođus. Soahti álggii Hamasa terroristtaid barbáralaš falleheamis siviillaid vuostá Israelas. Váibmu bávččasta pántafáŋgan válđojuvvon olbmuid vuorbbi dihte.

Israel lea vástidan fallehemiide, mii lea áddehahti ja vuoigaduvvon. Dan čuovvumuššan soađi sisa leat gártan Gazas ássi siviillat, geain ii leat oassi terrordaguin. Dilli lea olmmošlaččat erenoamáš váttis. Guovllus ássi olbmot dárbbasit borramuša ja juhkamusa, dálkasiid ja suoji.

Herrá, árpmat olbmuid soađi siste. Buvtte ráfát soađi guovdu. Moriidahte doaivvu, vai buot bahčavuođaid sáhtášii soahpat ja guođđit duohká.

Bassi eatnamis jođus leahkki soahti ii goittotge daga guorusin juovllaid luonddu ráfi ávvudeapmin. Vuostegežiid dilli dušše deattuha risttalaš juovllaid váimmussága. Nappo dan, ahte Kristus, Ipmila Bárdni, riegáda olmmožin eallit olbmo eallima ja gillát min báldii. Ipmil šattai Jesusis olmmožin beastit min, go son ráhkistii olmmošgotti mearehis olu. Ipmil ii hilggo min, baicca son johtá mielddámet seavdnjadamos áiggiidge.

Herrá, buvtte juovllaid váibmoseamet. Divtte Kristusa boahtit min eallima seavdnjatvuhtii, čuovgan midjiide. Oadjet leabuhis mielaideamet ja cahkket mis oassádallama nuppiideamet guovdu.

Soahti bassi eatnamis joatkašuvvá soahthin dahje cahkki konflikthan vejolaččat vel guhká. Konfliktta historjá lea jo dál áibbas menddo guhki. Konflikta váillaha ráfedahkkiid ja dohkálaš eanavuođu álbmogiid jođiheaddjiin. Hárvvis mis nagoda váikkuhit máilmmi kriissaide, muhto dattetge mii sáhttit juohkehaš bargat olu. Mii sáhttit hukset ráfi iežamet árgga gasku, beaivválaš gávnnademiineamet. Juohkehačča váimmu doaladumis lea mearkkašupmi.

Dáid juovllat mu doaivva ja rohkos lea, ahte juovllaid sátni ráfis ja doaivvus Jesusis Kristusis moriidahtá min ođđa ráhkisvuhtii guhtet guimmiidasamet guovdu.

Herrá, don guhte Kristusis šaddet min vielljan áibbas lahka. Atte midjiide juovlaráfi. Buvtte ráfi olles dán du máilbmái. Amen.

Oulus adveantta áiggi álgimis 2023

Jukka Keskitalo
Oulu bismágotti bismá